

ԿՐԹԱԿԱՆ



ՄԻԱՍՆԱԿԱՆ ԱԶԳԱՅԻՆ ՔՆՆՈՒԹՅՈՒՆՆԵՐԸ ՄԵԿՆԱՐԿԵՑԻՆ

Ինչպես արդեն հաղորդել ենք, հուլիսի 3-ին մեկնարկեցին միասնական ազգային քննությունները: Առաջին քննությունը դիմորդները հանձնեցին «Վրաց լեզու և գրականություն» առարկայից: Ազգային քննությունները կավարտվեն հուլիսի 26-ին «Ֆիզիկայի» քննությամբ:

Քննությունների ազգային կենտրոնի տեղեկությամբ՝ միասնական ազգային քննություններին գրանցված է ավելի քան 45 000 դիմորդ: Այս տարի Վրաստանում ընդհանուր առմամբ բացվել է 24 քննական կենտրոն:

Կենտրոնները գործում են Թբիլիսիում, Բաթումիում, Ջուրջուտում, Քութայիսիում, Փոթիում, Ախալցխեում, Գորիում, Օզուրգեթում, Ռուսթավիում, Թելավիում և Խուլուլում: Այս տարի առաջին անգամ քննական կենտրոնը բացվել է Ամբրուլաուրիում:

Գնահատման և քննությունների ազգային կենտրոնի տվյալներով՝ Թբիլիսիում քննությունների քննական կենտրոններ հասնելու համար հատկապես էլ է լրացուցիչ հասարակական տրանսպորտ՝ ստանդարտ սակագնով: Քննությունների օրերին լրացուցիչ հասարակական տրանսպորտը կաշխատի

ժամը 06:00-ից մինչև 20:00-ը՝ ամբողջ քննաշրջանի ընթացքում:

Քննությունների հետ կապված համակարգային հարցերին այս տարի այլևս չեն գործում դիմորդների համար: Ինչպես այլ վարակիչ հիվանդություններ ունեցող անձանց դեպքում, նույնականացված հետազոտվողները պետք է կապ հաստատեն կենտրոնի թե՛ գծի հետ՝ (995 32) 2 47 33 33 հեռախոսահամարով և համապատասխան բժշկական փաստաթղթերը ներկայացնեն Գնահատման և հետազոտությունների ազգային կենտրոն (հասցե՝ Մինդելիի N 9) նախօրոք, որպեսզի քննությունը անցկացվի հատուկ կազմակերպված քննական հատվածում»,- նշված է Գնահատման և քննությունների ազգային կենտրոնի տեղեկատվության մեջ:

ՍԿՍՎԵՑԻՆ ՈՒՍՈՒՑԻՉՆԵՐԻ ԱՌԱՐԿԱՅԱԿԱՆ ԵՎ ԱՎԱԳ ՈՒՍՈՒՑՉԻ ԿԱՐԳԱՎԻՃԱԿԻ ՔՆՆՈՒԹՅՈՒՆՆԵՐԸ

Հուլիսի 6-ից քննական գործընթացի ներգրավվեցին նաև Վրաստանի հանրակրթական դպրոցների առարկայի և ավագ հատուկ ուսուցչի քննությանը գրանցված ուսուցիչները: Ուսուցիչների քննությունները կավարտվեն հուլիսի 24-ին:

Հուլիսի 6-ին, առաջին քննաշրջանի շրջանակներում, անցկացվեցին վրաց լեզվի և գրականության (հիմնական և/կամ միջնակարգ մակարդակ), պատմության (հիմնական և/կամ միջնակարգ մակարդակ), քիմիայի (հիմնական և/կամ միջնակարգ մակարդակ), կենսաբանության (հիմնական և/կամ միջնակարգ մակարդակ) քննությունները:

Երկրորդ քննաշրջանի շրջանակներում՝ նույն օրը անցկացվեցին մաթեմատիկայի (հիմնական և/կամ միջնակարգ մակարդակ), աշխարհագրության (հիմնական և/կամ միջնակարգ մակարդակ), ֆիզիկայի (հիմնական և/կամ միջնակարգ մակարդակ) և

կերպարվեստի ու կիրառական արվեստի քննությունները:

Ինչ վերաբերում է ոչ վրացալեզու դպրոցների ուսուցիչներին, ապա հուլիսի 19-ին քննություն կհանձնեն հայերենի և արդրեջաններին ուսուցիչները, հուլիսի 20-ին՝ գրավոր քննություն կհանձնեն ոչ վրացալեզու դպրոցների/հատվածների վրացերենի (տարրական, հիմնական, միջնակարգ) ուսուցիչները:

Հուլիսի 24-ին կանցկացվեն ոչ վրացալեզու դպրոցների/հատվածների վրացերենի (տարրական, հիմնական, միջնակարգ) ուսուցիչների գործնական քննությունները:

ԿԱՐԻՆԵ ՍԱՆՈՒԿՅԱՆ

ՊՈՆԶԻԱՅԻ ԱՆԿՅՈՒՆ

ԸՆԹԵՐՅՈՂԻ ՄԵՐԸ ՎԱՍՏԱԿԱԾ ԲԱՆԱՍԵՂՈՒՄԻ ՄԵՐ ՌՈՒՉԱՆ ՀՈՎԱՍԱՓՅԱՆԸ



Կարողում են ձեռքիս տակ եղած բանաստեղծությունների փունջը և, յուրաքանչյուր բանաստեղծությունից հետո, նորից ու նորից հուշերիս ծալքերից վերականգնվում է թխահեր, զեղեցկաղեմ դպրոցական աղջիկը, որ զգուշորեն, զուսպ ու համեստ կեցվածքով մտավ «Վրաստան» թերթի «Մշակույթի ու գիտության բաժին», մի պահ վարանոտ մնաց դռան մոտ, ապա, խրախուսված բաժնի վարիչի՝ հայտնի արձակագիր, դրամատուրգ, լրագրող Բենիկ Սեյրանյանի բարեհամբույր հայացքից, կիսաձայն բացատրությամբ՝ նրան մեկնեց ոտանավորների փոքր տետր... Եվ «Վրաստան» թերթի՝ տաղանդավոր դեռահասներին հատկացված, «Հիշեք այս անունը» խորագրի հերթական էջը նվիրվեց այդ շնորհալի աղջկան, ով Թբիլիսիի «Մետրոշինարարների» թաղամասի թիվ 110 հայկական դպրոցի (այժմ՝ թիվ 103 վրաց-հայկական դպրոց) աշակերտուհի Ռուզան Գովասափյանն էր:

Այդ օրից անցել է 30 տարի: Ռուզանը ներկայումս ապրում է Հայաստանի Վանաձոր քաղաքում: Մագիստրոսի կոչումով ավարտել է Վանաձորի պետական համալսարանի բանասիրական ֆակուլտետը, այժմ զբաղվում է գրականությամբ: Հայաստանի գրողների միության (ՀԳՄ) անդամ է, «Նախանվագներ», «Խաչելություն», «Խաչված օրեր» չափածո և մեկ թարգմանական ժողովածուների հեղինակ: Հայոց բանակին նվիրված մրցակաբաշխությանը (2020թ.) արժանացել է «Պոեզիա» անվանակարգի մրցանակի, իսկ «Խաչված օրերի» շնորհանդեսը շուքով նշվել է Վանաձորի Հ.Աբելյանի անվան պետական դրամատիկական թատրոնում: 2022-ին, Իրանի մայրաքաղաք Թեհրանում, լույս տեսավ նրա «Մինչև մեզ գտնեն, մենք մոխրացած կլինենք» պարսկերեն թարգմանված ժողովածուն: Գործերը թարգմանված են նաև վրացերեն, ռուսերեն, լեհերեն, գերմաներեն:

Մեր առջեւ ստեղծագործական բուռն ճանապարհ անցնող, երիտասարդ, տաղանդավոր, ընթերցողի սերը վաստակած բանաստեղծուհին է: Մեզ ժամանակակից հեղինակ, ում ընթերցելիս ակամա հիշում են Մեծն Չարենցի՝ «Ժամանակիդ շունչը դարձիր...» հրամայականը: Այո, հեղինակն ակնհայտորեն մերված է իր օրերին, ավելին՝ «սեփական կյանքը ուսերին զգած փութով վազում է» նրանց ընդառաջ՝ այդ վազքի մեջ իր կարեկցանքը, իր սերը՝ որպես բալասան շաքարներ բաշխելով բոլորին:

«Երկնելու տենչ տվեք՝ սիրելը իմ կողմից»... Այս պոեզիայում բանաստեղծական հյուսվածքը ստեղծված է սյուժեներից, որ անընդմեջ հյուսում է կյանքը: Այդ հյուսվածքի մեջ «լրբի քած պատերազմ» ու նրա ցանցում հայտնված հայրենիք կա, և այդ հայրենիքը Նաիրի տղան է՝ «անքուն, հոգնած տղան ու ցավից խմող տղան», ում բանաստեղծուհին հանգրվան է տալիս իր մայրական գրկում:

«Ցավդ տուր իմ երգին»... Ռուզան Գովասափյանի անձնական, սիրո թեման նորից ինքնատիպ է և նորից առիթնում է անկեղծ ապրումով ու պատկերի դիպուկ «հարվածով», որ կայուն է ընթերցողի սրտին:

«Կարոտս թող հագիդ մնա, է՛լ չհանես»... Բանաստեղծուհու կանացի անկեղծությունը նրբորեն երիզվում է նույնչափ անկեղծ և ոչ շինծու ազգային լեզվամտածողությամբ, ինչը նրա պոեզիային հաղորդում է

բացառիկ ինքնատիպություն. «Հաց կերե՞լ ես, երկիր, իմ խռոված տղա»... Այսպես կարող է մորմոքել միայն հայ մայրը, հայ կինը, հայ թույրը...

ՋՈՒՒԼԵՏԱ ԲԱՊԱԼՅԱՆ

Ձեր ուշադրության ենք ներկայացնում մուշներ Ռուզան Գովասափյանի պոեզիայից:

ՔՈՒՌ ԻՄ, ՔՈՒՅՐ ԻՄ

Նստել են ավիդ Ու քու ջրերին Կյանքիս մոխրագույն Օրերն են պատմում, Որ քչեն տանեն Վատ երազի պես:

Քուռ իմ, Քույր իմ լուռ, Ես ընդամենը Բեզ մոխրագույնի մասին եմ Պատմում, Սեւ օրերն էլ կան, Որ պատմելու չեն: Քուռս, Քուրս լուռ, Կանաչ ջրերիդ Կանչում խլացրու Երգս մոխրագույն...

Շա՞տ է ցավում, երկիր, Իմ դիմացկուն տղա, Իմ դյուցազուն տղա, Բախտդ տուր իմ երգին:

Հաց կերե՞լ ես, երկիր, Իմ խռոված տղա, Անհեր, անմեր տղա, Ցավդ տուր իմ երգին:

Դե՛չ քնե՞լ ես, երկիր, Իմ մեճավոր տղա,

Անքուն, հոգնած տղա, Դեկեկա իմ տողում:

Երկիր, իմ հեզ տղա, Խոսելս չի գալիս, Երգս երգիդ համար Ես ի՛նչ գի՛ն է տալիս...

Ինձ թռչուններ տվեք Երկինքը՝ իմ կողմից:

Ելնելու կամք տվեք, Լեռները՝ իմ կողմից:

Երգելու բան տվեք, Բառերը՝ իմ կողմից:

Երկնելու տենչ տվեք, Սիրելը՝ իմ կողմից:

Երդվելու խաչ տվեք, Խաչվելը՝ իմ կողմից:

Արգելված սեր տվեք, Քարերը... ձեր կողմից:

Ե՛կ, մենամարտի՛ր մենությանս հետ, Իմ ոչ մի սիրուն նա դեռ չի պարտվել, Նա քանիսի՛ն է կորցրել անհետ, Քանիսի՛ն՝ ճանփան մշուշով պատել:

Ես վախենում եմ, որ քեզ էլ կորցնի, Քեզ էլ կապկպի ճանփեքին այն խորթ, Բանալիները նրա ամրոցի Ես ինչպե՛ս գտնեմ, որ փախչեմ քեզ մոտ:

Ե՛կ, մենամարտի՛ր, բայց ոչ նրանց պես, Ովքեր հուշ էին սերը կոչելու. Իմ մենությանը թե դու էլ պարտվես, Այս անգամ ես եմ անհետ կորչելու...

Որպես ճանփեքի պաղ երկաթգծեր Պարտված թեկուս երկնքից ընկան, Ու ես մեկնվել թեկուսի միջեւ Էլ չեմ կանչում քեզ, չեմ ասում՝ կգամ:

Դեռվից մի ծանոթ սուլոց է լսվում Կյանքն է սլանում՝ իր պեսին այցի, Նա օրորում է տարիներն իմ սուտ Եվ վրայովս ուր որ է կանցնի:

Եթե փրկեմ ինձ՝ վեր կենամ հանկարծ, Կյանքը շուռ կգա արարքից իմ խել. Թեև դու ոչ մի վագոնում չկաս, Բայց հասցրել ես վերջինից կախվել:

«ԱՄԱԼՑԻԽԵԼՈՐԱՎ 2023»



ՈՒՐԵՆ ԿԱՐԱՊԵՏՅԱՆ. «ԵՎԱ ՅՈԹ ԱՐԺԱՆԱՎՈՐ ԱՄԱԼՑԻԽԵՑԻՆԵՐ ԶԱՄԱԼՐԵՑԻՆ ԱՄԱԼՑԻԽԵԻ ՊԱՏՎԱԿՈՐ ՔԱՂԱՔԱՑԻՆԵՐԻ ՑԱՆԿԸ» ԱՄԱԼՑԻԽԵԻ ՊԱՏՎԱԿՈՐ ՔԱՂԱՔԱՑՈՒ ԿՈՉՄԱՆ ԱՐԺԱՆԱՎՈՐ ՆԱԵՎ ՍԵՐՈՒ ՇԱՐՈՒԹՅՈՒՆՅԱՆԸ ՈՒ ԳԵՎՈՐԳ ՍԱՐԳՍՅԱՆԸ

Հունիսի 30-ին Ախալցխայում նշվեց ավանդական «Ախալցխայի տոնը», Սուրբ Շալվա Ախալցխելու հիշատակման օրը: Ծուրջ մեկուկես տասնամյակի պատմություն ունեցող այս տոնը այս անգամ եւս նշանավորվեց բազմերանգ ճանաչողական, մշակութային եւ ժամանցային միջոցառումներով:

«Ախալցխայի» շրջանակներում անցկացվեց Ախալցխայի պատվավոր քաղաքացիներին կոչում շնորհելու ավանդական արարողությունը: Այս տարի հասարակական ակտիվ գործունեության եւ բացառիկ ծառայությունների համար Ախալցխայի պատվավոր քաղաքացիների կոչում շնորհվեց յոթ արժանավոր ախալցխայցիների, որոնց թվում էին տեխնիկ, IT մասնագետ Սերոբ Զարությունյանը եւ սպորտի վետերան, ֆիզկուլտուրայի ուսուցիչ, թեթև ատլետիկայի Վրաստանի չեմպիոն Գեորգ Սարգսյանը:

Ախալցխայի պատվավոր քաղաքացու կոչման արժանացան նաեւ «Ախալցխայի Սերվիս Գրուպ»-ի հավաքարար Նադեժդա Սոկոլովան, Թբիլիսիի Geo Hospital-ի վիրաբուժական բաժանմունքի վարիչ Լեւան Ծանալաիժեն, տնտեսագիտության դոկտոր, Սամցխե-Ջավախեթի պետական համալսարանի բիզնեսի կառավարման ֆակուլտետի պրոֆեսոր Գիորգի Բուցխրիկիժեն, գործարար եւ բարերար Գիորգի Գեւազվիլին, Ախալցխայի 2016-2017 թվականների քաղաքացետ, բժշկական կլինիկայի ղեկավար, ՆԳՆ-ի եւ պատերազմի վետերան Վլադիմիր Զեդգիճիժեն:

«Վրաստանը» հեռախոսով կապվեց Ախալցխայի մունիցիպալիտետի փոխքաղաքապետ Ռուբեն Կարապետյանի հետ եւ խնդրեց հակիրճ ներկայացնել այս տարվա պատվավոր քաղաքացիներին:

- Նախ ասեմ, որ մեր քաղաքի Ախալցխայի ավանդական «Ախալցխայի տոնը» տոնը արդեն շուրջ 15 տարվա պատմություն ունի, ճիշտ է, առանձին ընդմիջումներով, մասնավորապես, կորոնավիրուսի համավարակի ժամանակ եւ տարեցտարի տոնի շրջանակներում ու ծրագրերը համալրվել-մեծացել են:

Բացառություն չկազմեց նաեւ 2023-ի «Ախալցխայի տոնը»: Տոնի շրջանակներում Ախալցխայի Ռաբաթ ամրոցում

եւ Թամար թագուհու փողոցի զբոսայգում անցկացվեցին ցուցահանդեսներ, թատերական ներկայացումներ, մարզական մրցումներ, երեխաների եւ երիտասարդների ժամանցի այլ միջոցառումներ:



Ավանդական տոնը եզրափակվեց մունիցիպալիտետի կատարողների եւ համայնքի, ինչպես նաեւ հրավիրված երգիչ-երգչուհիների համերգով:

Իսկ մինչ այդ, ավանդույթի համաձայն, անցկացվեց Ախալցխայի պատվավոր քաղաքացու կոչում շնորհելու արարողությունը: Այս տարի պատվավոր քաղաքացիների ցանկը համալրվեց յոթ արժանավոր քաղաքացիներով: Եվ առանձնակի հպարտալի է, որ Ախալցխայի պատվավոր քաղաքացու կոչում շնորհվեց արժանավոր ախալցխայցիներ, Ախալցխայի թիվ 3 հայկական հանրային դպրոցի ինֆորմատիկայի եւ ռադիոէլեկտրոնիկայի մասնավար, գուգահեռաբար դպրոցի առընթեր ռոբոտների եւ համակարգիչների խմբակի հիմնադիր ու դասավար,

ապա՝ Ախալցխայի առեւտրական կենտրոնում բիզնես-գործարարությամբ զբաղվող, 64-ամյա Սերոբ Զարուբունյանին եւ ժամանակին Վրաստանի չեմպիոն, Ախալցխայի թիվ 3 հայկական հանրային դպրոցի ֆիզկուլտուրայի մասնավար, գուգահեռաբար Ախալցխայի թեթև ատլետիկայի մարզադպրոցի մարզիչ, 67-ամյա Գեորգ Սարգսյանին:

Ավելացնեմ նաեւ, որ «Ախալցխայի տոնի» ողջ պատմության ընթացքում ամենանշանակալի արարողությունը արդարացիորեն համարվել է պատվավոր քաղաքացու կոչման շնորհումը: Եվ ողջ պատասխանատվությամբ կարող եմ ասել, որ միշտ սկզբունքային մոտեցում է ցուցաբերվել այդ կոչման թեկնածուների ընտրության գործին, ընտրել են քաղաքում լայն ճանաչում ու հարգանք վայելող, իրենց գործով ու հմտություններով աչքի ընկնող մարդկանց: Ուրախալի է, որ գրեթե ամեն տարի պատվավոր քաղաքացիների համալրվող ցուցակում միշտ տեղ են գտել նաեւ Ախալցխայի հայերը: Բավական է նշել վերջին մի քանի տարիների տոնակատարությունները. 2018-ին նման կոչման արժանացավ քաղաքում լայն ճանաչում, հարգանք ու սեր վայելող բժշկուհի Ռուզաննա Մելիքյանը, 2019-ին մասնավար Սարիամ Կարապետյանը, 2020-ին՝ ժամագործ Զայկ Բալասանյանը, 2021-ին՝ պատերազմի եւ զինված ուժերի վետերան Տիգրան Մելքոնյանը, 2022-ին՝ Ախալցխայի քաղաքի թիվ 3 հայկական հանրային դպրոցի տնօրեն Սուսաննա Ակոպովան:

Համոզված եմ, որ առաջիկա տարիներին «Ախալցխայի տոնը» էլ ավելի կընդլայնի իր ծավալներն ու Ախալցխայի պատվավոր քաղաքացիների ցուցակը էլ ավելի կհամալրվի արժանավոր քաղաքացիներով, եզրափակեց Ախալցխայի փոխքաղաքապետ Ռուբեն Կարապետյանը:

ՏԱՐԵՐ

ՄԵԼՔՈՆ ՄԱԿԱՐՅԱՆ. «ՃԱՎՈՔ, ԱՄԱԼՔԱԼՔՅՈՒՆԵՐՍ ԵՎ ԴԱՐՁԱՆՔ «ՏՈՐՆԱԴՈՅԻ» ԱՎԱՆԱՏԵՍՆԵՐ»

ՊՐՏԱՅՈՂԱԸ, ՀՈՐԴԱՌԱՏ ԱՆՁՐԵՎՆ ՈՒ ԿԱՐԿՈՒՏԸ ԼՈՒՋ ՎՆԱՍՆԵՐ ՀԱՅՏՐԵՑԻՆ ՎԱԶԻԱՆՑԻՆԵՐԻՆ

Հուլիսի 4-ին, կեսօրից հետո ախալքալաքցիները դարձան այդ վայրերի համար անսովոր բնական երևույթի՝ պտտահողմի (տորնադոյի) ակամատեսը: Եվ ոչ միայն ակամատեսը, այլև տարերքից լրջորեն տուժված կողմը...

Տարերքից առանձնապես տուժեց մունիցիպալիտետի Վաչիան գյուղը, որտեղ ուժեղ քամին պոկեց շուրջ 25 բնակելի տների տանիքներ, արմատախիլ արեց ծառերն ու տապալեց էլեկտրական հոսանքի սյուները...

Ակամատեսների հավաստմամբ, ուժեղ քամին վերածվեց փոթորիկի: Ըստ տեղացիների՝ քամին այնքան ուժեղ էր, որ թվում էր, թե «մարդկանց էլ օդ կթռցնի»: Մոտ մեկ ժամվա ընթացքում պտտահողմը քանդեց տանիքները՝ օդում պտտելով դրանց կտորտանքները:

Տեղացիների վկայությամբ՝ պտտահողմին հաջորդեցին հորդառատ անձրեւն ու կարկուտը, ինչը լուրջ վնաս հասցրեց կարտոֆիլի ցանքադաշտերին:

Ինչպես տեղեկացրեց Վաչիան գյուղում քաղաքապետի ներկայացուցիչ Ֆյոդոր Թորոսյանը, նույն պահին անմիջապես կապվել է քաղաքապետի հետ, նրան տեղեկացրել տարերային աղետի մասին:

- Ի՞նչ քամի, «տորնադոյ» էր, ինչպես ֆիլմերում: Նման բան չէինք տեսել: Բարեբախտաբար, զոհեր չունեցանք, սակայն սարսափ ապրեցինք,- ասաց Ֆյոդոր Թորոսյանը:

Հենց նույն օրը տարերային աղետի վայրի վերածված Վաչիան ժամանած Ախալքալաքի մունիցիպալիտետի քաղաքապետ Մելքոն Մակարյանը հավաստեց, որ տարերքի հասցրած վնասի չափը նշանակալի է:

«Վրաստանը» հեռախոսով կապվեց Ախալքալաքի մունիցիպալիտետի քաղաքապետ Մելքոն Մակարյանի հետ:

- Տարերքի մասին ահազանգից հետո, հաշված րոպեների ընթացքում քաղաքապետի առաջին տեղակալ Թեյմուրազ Մճեղիժեի, սակրեբուլոյի նախագահ Նաիրի Իրիցյանի, քաղաքապետարանի պատասխանատու աշխատակիցների հետ ղեկավարում էինք:

Անգեւն աչքով էլ ակնհայտ էր, որ վնասը շատ մեծ է: Սփռված էինք լուրջ վնասներ չունեցինք:

Մեր տվյալներով, Վաչիան գյուղում լրջորեն տուժել են 25 բնակելի տներ, առանձնակի վնասվել են 7-ը,- ասաց Մելքոն Մակարյանը եւ հավելեց, որ արտակարգ իրավիճակների դեպարտամենտի եւ մունիցիպալիտետի հատուկ հանձնաժողովները մանրամասն ուսումնասիրում են վնասի չափը եւ հստակ

կեցնում ներկայացվելիք օգնության շրջանակները:

- Ներկայումս կոնկրետ գումարների մասին խոսք չկա, ակնհայտ է, որ տուժած մարդկանց անհրաժեշտ է օգնել: Ցավոք, մունիցիպալիտետը 100 տոկոսի փոխհատուցում տրամադրելու հնարավորություն չունի, բայց հնարավոր



րինս կան ենք մարդկանց օգնելու համար, - ասաց Մելքոն Մակարյանը: Հեռախոսագրության ընթացքում քաղաքապետը տեղեկացրեց նաեւ, որ հուլիսի 4-ի պտտահողմին հաջորդել են հորդառատ անձրեւն ու կարկուտը, ինչը լրջորեն վնասել է արդեն իսկ պտտահողմից տուժված Վաչիանի կարտոֆիլի ցանքադաշտերը: Զգալիորեն տուժել են նաեւ Զամդուրա եւ Մուրջա-

խեթ գյուղերի միջեւ ընկած դաշտերը, որոնք հիմնականում պատկանում են հուլիս-գոմարի բնակիչներին: Ըստ ֆերմերների՝ հնարավոր է որոշակիորեն վերականգնել բերքը՝ օգտագործելով համապատասխան վիտամիններ, բայց, այնուամենայնիվ, կորուստներ կլինեն: - Ցավոք, կարկուտն էլ ավելի ծանրացրեց տարերքից առանց այդ էլ տուժած մարդկանց վիճակը: Մեր երկրագործներն ու ֆերմերները բոլորը չէ, որ ապահովագրել են իրենց բերքը, հետեւաբար՝ բերքի կորստի դիմաց ոչ մի փոխհատուցում չի լինի: Փոխհատուցում կստանան միայն խոշոր ֆերմերները, ովքեր ժամանակին ապահովագրել են իրենց բերքը,- ասաց Ախալքալաքի քաղաքապետը:

ՀԱՅԱՍՏԱՆ. Փաստեր, իրադարձություններ

«ՎՐԱՍԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՆՇՎԵՑ ՀԱՅԱՍՏԱՆԻ ՍԱՀՄԱՆԱԳՐՈՒԹՅԱՆ ՕՐԸ



Հունիսի 5-ին Հայաստանը նշեց Սահմանադրության օրը:

1991 թվականին Հայաստանի Հանրապետության անկախության վերականգնմամբ

անխուսափելի դարձավ նոր՝ ազգային սահմանադրության ընդունումը: Սահմանադրությունն ընդունվեց 1995 թվականի հունիսի 5-ին համաժողովրդական հանրաքվեով՝ հետագայում հանրաքվեներով (2005, 2015) ենթարկվելով փոփոխությունների:

Սահմանադրության ընդունումից հետո, հունիսի 5-ը դար-

ձավ պետական տոն՝ Սահմանադրության օր:

Հայաստանի սահմանադրությունը Հայաստանի իրավական համակարգի հիմքն է՝ երկրի հիմնական օրենքը, որին պետք է համապատասխանեն մյուս բոլոր օրենքներն ու իրավական ակտերը: Սահմանադրությունը նաեւ արժեքաբանական-գաղափարական փաստաթուղթ է, որը սահմանում է հասարակության կազմակերպման ամենահիմնական սկզբունքները, որոնց գործնական կիրառմանն ու ամրապնդմանը պետք է ձգտի պետությունը:

Սահմանադրությունն ամրագրեց Հայաստանի Հանրապետության բնույթը՝ որպես ինքնիշխան, ժողովրդավարական, իրավական եւ սոցիալական պետություն, հռչակեց մարդու եւ քաղաքացուի հիմնական իրավունքներն ու ազատությունները, սահմանեց Հանրապետության կառավարման ձևը՝ ինքնավար օրենսդիր, գործադիր եւ դատական իշխանությունների տարանջատման սկզբունքի վրա:

Հունիսի 5-ը Հայաստանում ոչ աշխատանքային օր է:

ԱՆՉՎԱՅՉԵՑ ՀԱՅԱՍՏԱՆԻ ԱՆՎՏԱՆՊՈՒԹՅԱՆ ԽՈՐՀՐԳԻ ՆԻՍ



Հունիսի 30-ին, Հայաստանի վարչապետ Նիկոլ Փաշինյանի գլխավորությամբ տեղի է ունեցել Անվտանգության խորհրդի հերթական նիստը:

Բացի անվտանգության խորհրդի անդամներից, նիստին մասնակցել են Հայաստանի նախագահի Վահագն Խաչատրյանը, Ազգային ժողովի նախագահ Ալեն Սիմոնյանը եւ Պաշտպանության նախարարի տեղակալ Կարեն Բրուտյանը: Նիստում քննարկվել են օրակարգային փարբեր հարցեր:

«ՀԱՅԿԱԿԱՆ ԱՎԻԱՌՈՂԻՆԵՐ» ԱՎԻԱՐԱՆԻ ԵՐԵՎԱՆ-ՍՏԱՄԲՈՒԼ-ԵՐԵՎԱՆ ԳՎԵՐՁԵՐԸ

«Հայկական ավիառոլիներ» ավիաընկերությունը հունիսի 2-ից մեկնարկել է Երեւան-Ստամբուլ-Երեւան երթուղով չվերթերը: Ինչպես տեղեկանում ենք «Արմենիա» միջազգային օդանավակայանների տարածած հաղորդագրությունից, դրանք կիրականացվեն շաբաթական 2 չվերթ հաճախականությամբ՝ յուրաքանչյուր չորեքշաբթի եւ կիրակի:

ՀԱՅԱՍՏԱՆԻ ԱՆՉՆԱԳՐԱՅԻՆ ԲԱՃԱՆՈՒՄՆԵՐԸ ԿԱՇՏԱՍԵՆ ՆԱԵՎ ՃԱԲԱՑ ՕՐԵՐԻՆ

Հայաստանի ներքին գործերի նախարարության միգրացիայի եւ քաղաքացիության ծառայության տարածքային անչնագրային ստորաբաժանումներում քաղաքացիները կսպասարկվեն նաեւ շաբաթ օրերին. անչնագրային մի շարք ծառայություններում գործում է նաեւ էլեկտրոնային հերթագրում:

Քաղաքացիները կսպասարկվեն սովորական աշխատանքային ռեժիմով: Սպասարկման ընթացքում առաջադիմ խնդիրների առնչությամբ՝ քաղաքացիները կարող են կապ հաստատել ՄԵԾ թեժ գծով՝ 010 370264 կամ զանգահարել 1-02:

ՄՐՅԱՆԱԿՆԵՐ՝ ՄՈՒՂՈՎԱՅԻ ԵՐԳԻ ՄՐՁԱԶԳԱՅԻՆ ՄՐՅԱՆԱՐԻՑ

«Radiant Ray of music» երգի միջազգային մրցույթում Հայաստանի պարվորակներ, Երեւանի Շառլ Ազնավուրի անվան մշակույթի եւ արվեստի պետական թրվեջի սաներ Նարեկ Ասատրյանն ու Կարինե Վարդանյանը փայլուն ելույթ են ունեցել եւ երկու մրցույթային օրերի արդյունքում Նարեկ Ասատրյանը, վաստակելով ժյուրիի բացարձակ առավելագույն միավորները, արժանացել է մրցույթի գլխավոր մրցանակին, իսկ Կարինե Վարդանյանը՝ 3-րդ մրցանակին:

Մրցույթն անցկացվել է հունիսի 29-ից հունիսի 3-ը՝ Մոլդովայի Հանրապետության Քիշնեւ քաղաքում: Մրցույթին մասնակցել են ներկայացուցիչներ Մոլդովայի, Ուկրաինայի, Բուլղարիայի, Լատվիայի, Լիտվայի, Էստոնիայի, Իտալիայի, Ղազախստանի, Իսրայելի, Բոսնիա եւ Հերցեգովինայի:



ՎԱՅԱԳՆ ԽԱՉԱՏՈՒՅԱՆ. «ԱՄԵՐԻԿԱՅԻ ՀԱՅԿԱԿԱՆ ՀԱՄԱԳՈՒՄԱՐԸ ՄԻՇՏ ԿԱՆԳՆԱԾ Է ԵՂԵԼ ՀԱՅԱՍՏԱՆ ՊԵՏՈՒԹՅԱՆ ԿՈՂՔԻՆ»

Հունիսի 6-ին Հայաստանի նախագահ Վահագն Խաչատրյանը հանդիպում ունեցավ Ամերիկայի հայկական համագումարի գործադիր տնօրեն Բրայան Արդունի, Ամերիկայի հայկական համագումարի համանախագահներ Էնթոնի Բարսամյանի, Քարոլին Մուզարի եւ Ամերիկայի հայկական համագումարի տարածաշրջանային գրասենյակի տնօրեն Արիս Վարդանյանի հետ:

Հանդիպմանը Հայաստանի նախագահն ընդգծեց դեռեւս 90-ականներից Ամերիկայի հայկական համագումարի արդյունավետ ու կարեւոր գործունեությունը: Նրա խոսքով՝ համագումարը միշտ կանգնած է եղել պետության կողքին եւ անշահախնդիր բազմաթիվ ծրագրեր իրականացրել է իրականացնում է:

Հանդիպմանը Վահագն Խաչատրյանը հյուրերին ներկայացրեց Հայաստանի ներկայիս անվտանգ մարտահ-

րավերները եւ հայադրբեջանական բանակցային գործընթացում առկա ընդհանուր իրավիճակը:

Ջրույցի ընթացքում մտքեր փոխանակվեցին Հայաստանի եւ հարեւան երկրների հետ հարաբերությունների, ինչպես նաեւ՝ երկրում տիրող ընդհանուր մթնոլորտի շուրջ:

Վահագն Խաչատրյանը անմիջա-



կան մթնոլորտում պատասխանեց նաեւ հյուրերի հարցերին՝ անդրադառնալով երկրի ներքաղաքական, տնտեսական եւ հանրային կյանքի վերաբերյալ տարբեր իրողություններին:

ՀԱՅԱՍՏԱՆԸ, ՀՈՒՆԱՍՏԱՆՆ ՈՒ ԿԻՊՐՈՍԸ ՍՏՈՐԱԳՐԵՑԻՆ ԵՌԱԿՈՐՄ ՌԱԶՄԱԿԱՆ ՀԱՄԱԳՈՐԾԱԿՑՈՒԹՅԱՆ ԾՐԱԳԻՐ



Հունիսի 5-ին Կիպրոսում անցկացվեցին Հայաստան-Հունաստան-Կիպրոս եռակողմ պաշտպանական խորհրդակցությունները:

Խորհրդակցություններին քննարկվեցին երեք երկրների հետ տարբերությունները շրջանակներում:

Բնակարկումների արդյունքում ստորագրվեց եռակողմ ռազմական համագործակցության տարեկան ծրագիրը, որն ընդգրկում է մի շարք միջոցառումներ Հայաստանում, Հունաստանում եւ Կիպրոսում:

Խորհրդակցությունների ավարտին՝ պատվիրակություններին ընդունեց նաեւ Կիպրոսի Ազգային զվարդիայի հրամանատար, գեներալ-լեյտենանտ Դիմոկրիտոս Ջերվակիսը:

Կողմերը վերահաստատեցին իրենց պատրաստակամությունը՝ համատեղ քայլեր ձեռնարկել երեք երկրների պաշտպանունակության եւ ռազմական անվտանգության ամրապնդման ուղղությամբ:

Քննարկումների արդյունքում ստորագրվեց եռակողմ ռազմական համագործակցության տարեկան ծրագիրը, որն ընդգրկում է մի շարք միջոցառումներ Հայաստանում, Հունաստանում եւ Կիպրոսում:

Խորհրդակցությունների ավարտին՝ պատվիրակություններին ընդունեց նաեւ Կիպրոսի Ազգային զվարդիայի հրամանատար, գեներալ-լեյտենանտ Դիմոկրիտոս Ջերվակիսը:

գտնվող անվտանգային մի շարք խնդիրներ եւ համագործակցության հարցեր:

ՄԵԿՆԱՐԿԵՑ ՍՓՅՈՒՌՔԱՅԱՅ ՈՒՍՈՒՑԻՉՆԵՐԻ ՎԵՐԱՊԱՏՐԱՍՏԱՆ 2023 ԹՎԱԿԱՆԻ ԾՐԱԳԻՐԸ

Հունիսի 3-ին կայացավ Սփյուռքահայ ուսուցիչների վերապատրաստման 2023 թ. ծրագրի պաշտոնական բացման արարողությունը, որին մասնակցեց Հայաստանի կրթության, գիտության, մշակույթի եւ սպորտի նախարար Ժաննա Անդրեասյանը:

2023 թ. վերապատրաստման ծրագրին մասնակցում է 60 ուսուցիչ 18 երկրից: Դասընթացները կանցկացվեն մինչեւ հունիսի 29-ը:

Վերապատրաստումը կընթանա նախարարության հաստատած տարբերակված մեկամսյա հետեւյալ 7 ծրագրով՝ ուսուցում մանկապարտեզում, ու-

սուցում մեկօրյա դպրոցում, տարրական ուսուցում, հայոց լեզվի եւ գրականության դասավանդում, հայոց պատմություն եւ մշակույթի պատմություն, պարարվեստ, տնօրենների վերապատրաստում:

ԿԳՄՍ նախարարությունից նաեւ հայտնում են, որ դասընթացներն ավար-

տած ուսուցիչներին կտրամադրվեն Հայաստանի ԿԳՄՍ նախարարության վկայագրեր:

Ընդհանուր առմամբ՝ սփյուռքահայ ուսուցիչների վերապատրաստման ծրագիրն ունի նոր գիտելիքի փոխանցման եւ կարողությունների ձեւավորման նպատակ: Այն ուղղված է նաեւ անձնական մակարդակում ուսուցչի մոտիվացիայի բարձրացմանը, առարկայի համդեպ հետաքրքրության աշխուժացմանը, սփյուռքի կրթական համակարգի հետ կապերի ամրապնդմանը:

ՀԱՐԿԱՏՈՒՆԵՐԻՆ ՎԵՐԱԴԱՐՁՎԱԾ ԳՈՒՄԱՐՆ ԱՃԵԼ Է 109 ՏՈՒՆՈՎ

Հայաստանի հարկ վճարողներին եւ ֆիզիկական անձանց՝ 2023-ի հունվար-հունիսին վերադարձվել է շուրջ 175,8 մլրդ դրամ, ինչը, նախորդ տարվա նույն ժամանակաշրջանի ցուցանիշից, ավելի է 72,1 մլրդ դրամով կամ 69,5%-ով, իսկ 2021-ի նույն ժամանակաշրջանի ցուցանիշից ավելի է 91,7 մլրդ դրամով կամ 109 տոկոսով:

2022-ի առաջին կիսամյակի ընթացքում հարկ վճարողներին եւ ֆիզիկական անձանց վերադարձվել է 103,7 մլրդ դրամ, իսկ 2021-ի նույն ժամանակահատվածում՝ 84,1 մլրդ դրամ:

Եկամտային հարկի գծով 2023-ի առաջին կիսամյակի վերադարձը կազմել է շուրջ 27,2 մլրդ դրամ, որը 2022-ի նույն ժամանակաշրջանի ցուցանիշից ավելի է 8,8 մլրդ դրամով

կամ 48 տոկոսով, իսկ 2021-ի նույն ցուցանիշը գերազանցում է 16,7 մլրդ դրամով կամ 159,5 տոկոսով: Եկամտային հարկի գծով վերադարձը, 2022-ի առաջին կիսամյակի ընթացքում, կազմել է 18,3 մլրդ դրամ, 2021-ի նույն ժամանակաշրջանում՝ 10,5 մլրդ դրամ:



ԵԿԵՂԵՑԱԿԱՆ

ՀՈՒՆԻՍ

8.07.2023 Քրիստոսի 12 առաքյալների և Սուրբ Պողոս 13-րդ առաքյալի հիշատակության օր



Հիսուս Քրիստոսի ընտրած 12 առաքյալները Քրիստոսի աշակերտներն ու Քրիստոսի վարդապետության առաջին տարածողներն էին, հարուցյալ Քրիստոսի վկաները:

Հայ Առաքելական Եկեղեցին 12 առաքյալների և 13-րդ առաքյալ ճանաչված Պողոս առաքյալի հիշատակը նշում է վարդավառից մեկ շաբաթ առաջ, վարդավառի Բարեկենդանին նախորդող շաբաթ օրը: Հայ եկեղեցու տոնացույցում կան նաև առաքյալների հիշատակության առանձին տոներ:

9.07.2023 Բարեկենդանի վարդավառի պահոց

Վարդավառի Հիսուս Քրիստոսի Պաշտամունքային Կենտրոնի նախորդող շաբաթապահքը Հայ եկեղեցում կոչվում է վարդավառի պահոց: Պահքի վերջին շաբաթ օրը նավակատիք է, այսինքն՝ այդ օրը թույլատրվում է ձկնեղեն և կաթնեղեն օգտագործել:

15.07.2023 Հիշատակ հին տապանակի և Մոր Սուրբ Եկեղեցու տոն

ԶԳՈՒՇԱՑՈՒՄ

ՀՈՐԴՈՐ ԲՆԱԿՉՈՒԹՅԱՆԸ ՄԻ՛ ՎՏԱՆԳԵՔ ԱՆՏԱՌՆԵՐԸ

Վրաստանի բնապահպանության և գյուղատնտեսության նախարարությունը հորդորում է բնակչությանը, պահպանել անտառում անվտանգության կանոնները և սահմանված արգելքները:

Գերատեսչության տվյալներով՝ ամառը հատկապես հրդեհավտանգ շրջան է օդի բարձր ջերմաստիճանի պատճառով: Հետևաբար, ածել են անտառային հրդեհների ռիսկերը:

«Ըստ վիճակագրության՝ անտառային հրդեհների հիմնական պատճառը մարդկային անզգուշությունն է, որը կարող է հանգեցնել աղետալի հետեւանքների: Պետական անտառի տարածքում թույլատրվում է խարույկ վառել՝ կրակը վառելու վայրի նախնական պայմանավորվածության դեպքում: Հրդեհային փոսի նախնական դասավորությունը ենթադրում է հրդեհի օջախից 1,5 մ շառավղով հեշտությամբ ոչնչացված նյութերի (խոտ, չոր խոտ, տերեւներ, փայտ) մաքրում: Պետական անտառի տարածքում արգելվում է կրակ վառել ծառերի ճյուղերի տակ, երիտասարդ անտառում, հին հրդեհների ժամանակ անտառի վնասված հատվածներում (այն հատվածներում, որտեղ անտառը հատվել կամ կտրվել է քամուց), արտադրական թափոններից չմաքրված անտառներում, մշակված փայտանյութի չպեղված հատվածներում, տորֆով և չոր խոտով տարածքներում»,- ասացին նախարարությունից:

Գերատեսչությունը նշում է, որ Վրաստանի Վարչական իրավախախտումների օրենսգրքի համաձայն՝ անտառներում հրդեհային անվտանգության պահանջների որևէ խախտում, որը հանգեցրել է անտառում հրդեհի բռնկմանը կամ որոշակի տարածքի վրա դրա տարածմանը, ինչպես նաև անտառի ոչնչացմանը կամ վնասմանը, հրդեհի հրկիզման կամ անզգուշությամբ վարվելու արդյունքում՝ կտուղանվի 300-ից 500 լարիի չափով: Անզգուշությամբ առաջացած անտառային հրդեհի դեպքում՝ օրենքը նախատեսում է ազատագրվում չորսից ութ տարի ժամկետով:

ՄԻՍՏՆ ԿԻԼԱԶԵ

ՍՊՈՐՏ

ՖՈՒՏԲՈԼ. ՎՐԱՍՏԱՆԻ 21 ՏԱՐԵԿԱՆՆԵՐԻ ՀԱՎԱՔԱԿԱՆԸ՝ ԵՎՐՈՊԱՅԻ ՈՒԹ ՈՒՃԵՂԱԳՈՒՅՆ ԹԻՄԵՐԻ ԹՎՈՒՄ, ԲԱՅՑ...



Ինչպես արդեն հաղորդել ենք, հունիսի 21-ին Թբիլիսիի, Բաթումիի և Քուբայիսիի մարզադաշտերում մեկնարկեց մինչև 21 տարեկանների Եվրոպայի ֆուտբոլի առաջնությունը: Խմբային մրցաշարի արդյունքներով, «Ա» խմբում առաջին տեղը զբաղեցրած Վրաստանի 21 տարեկանների հավաքականը, պատմության մեջ առաջին անգամ, նվաճեց առաջնության քառորդ եզրափակիչի ուղեգիրը և այդ փուլում իր ուժերը չափեց Իսրայելի հավաքականի հետ: Ցավոք, վրաց երիտասարդ ֆուտբոլիստները 11 մետրանոց հարվածներով (խաղի հիմնական և լրացուցիչ ժամանակը ավարտվեց ոչ-ոքի՝ 0:0), 3:4 հաշվով զիջեցին Իսրայելի հավաքականին և դուրս մնացին ոչ միայն առաջնության մրցանակային տեղերի համար պայքարից, այլև զրկվեցին 2024 թվականի Փարիզի Օլիմպիական խաղերի ուղեգրից:

Քառորդ եզրափակչում գլխավոր անակնկալը մատուցեցին ուկրաինացիները, ովքեր, 3:1 հաշվով, առաջնությունից դուրս մղեցին մայրցամաքի չեմպիոնության ամենահավանական թեկնածու՝ Ֆրանսիայի հավաքականին: Այդ փուլում Իսպանիայի հավաքականը 2:1 հաշվով առավելության հասավ Եվրոպայի թիմի նկատմամբ, Անգլիայի ընտրանին 1:0 հաշվով պարտության

մատնեց պորտուգալացիներին:

Կիսաեզրափակչում անգլիացիները 3:0 հաշվով հաղթեցին Իսրայելի թիմին, իսկ իսպանացիները 5:1 հաշվով ջախջախեցին ուկրաինացիներին:

Նշենք, որ ֆուտբոլի 21 տարեկանների Եվրոպայի առաջնության եզրափակիչ հանդիպումը կանցկացվի այսօր՝ հունիսի 8-ին, ժամը 20:00-ին, Բաթումիի Արենա մարզադաշտում:

ՏԱՐԲԵՐ ԱՐԺԵՔԻ ՄԵՂԱՆՆԵՐԻ ԵՎՐՈՊԱԿԱՆ ԵՐՐՈՐԴ ԽԱՂԵՐԻՑ



Հունիսի 21-հունիսի 2-ին, լեհական Կրակով քաղաքում անցկացվեցին Եվրոպական խաղերը:

Ընդ որում, այդ խաղերում օլիմպիական մարզաձեւերով անցկացվեց Փարիզի 2024 թվականի Օլիմպիական խաղերի որակավորման փուլը: Եվրոպական խաղերում խաղարկվեց մեդալների 254 կոմպլեկտ՝ 29 մարզաձեւերում:

Եվրոպական խաղերին մասնակցեցին մայրցամաքի 48 երկրների ներկայացուցիչներ, ընդհանուր առմամբ 6857 մարզիկներ: Խաղերին Վրաստանը ներկայացվեց 99, իսկ Հայաստանը՝ 55 մարզիկ-մարզուհիներով:

Վրաստանի հավաքականը թիմային հաշվարկում գրանցեց 9 մեդալ (4 ոսկե, 2 արծաթե, 3 բրոնզե), զբաղեցրեց 19-րդ տեղը, իսկ Հայաստանը՝ 3 մեդալ (1 արծաթե, 2 բրոնզե) մեդալներով 37-րդն էր:

Թիմային հաշվարկում լավագույնը Իտալիայի հավաքականն էր: Այն իր ակտիվում գրանցեց ընդհանուր առմամբ 100 (35 ոսկե, 26 արծաթե, 39 բրոնզե) մեդալ: Երկրորդը Իսպանիայի թիմն էր՝ 57 (21,17,19) մեդալ: Լավագույն եռյակը եզրափակեց Ուկրաինայի հավաքականը՝ 41 (21, 12, 8) մեդալով:

Table with 7 columns and 9 rows containing numbers 1 through 51 in a grid pattern.

Խ Ա Չ Բ Ա Ռ

ՀՈՐԻԶՈՆԱԿԱՆ. 4. Ղազախստանի մայրաքաղաքը: 8. Չինաստանի մայրաքաղաքը: 9. Գերմանացի փիլիսոփա ... Գոն Բոլշտեյն: 10. Բույսերի ու կենդանիների տեղական տեսակներ, որոնք տարածված են աշխարհագրական համեմատաբար ոչ մեծ տարածքում՝ կղզիներում, լեռներում: 14. Պայթուցիկ նյութ: 15. Վրացի մարզական լրագրող և մեկնաբան ... Օբոլաձե: 17. Պատահմունք, դեպք: 18. Որևէ թեմային վերաբերող: 22. Քաղաքատիպ ավան Վրաստանի Խաչուրիի շրջանում: 23. Դելֆիների տեսակ: 26. Թերեւս, երեւի: 27. Աբխազիայում արտադրած: 32. Ռուս մարմնամարզիկ, քաղաքական գործիչ ... Կաբաբա: 33. Համայնք Հայաստանի Շիրակի մարզում: 35. Ուկրաինայի մայրաքաղաքը: 36. ... ցնդել, չքվել: 39. Սատուրնի արբանյակ, որը հայտնաբերվել է Ուիլիամ Հերշելի կողմից 1789 թվականին: 41. Հատուկ սահմանափակիչով սկյութակազմ երկար դաշույն: 42. Վեհ, փառահեղ: 44. Հարավային Կորեայի մայրաքաղաքը: 45. Սնուտի, փուչ, դատարկ: 46. Մի շարք երկրներում դրամական միավոր: 47. Անուն չունեցող: 48. Երկրաչափական մարմին: 49. Մեղվինը՝ բուժիչ, օձինը՝ մահացու: 50. Առանց ճուղի, երեսը կիսով բաց կոչիկ: 51. Կարմրագորշ շերտ երկաթի մակերեսին, որ

առաջանում է օքսիդանալուց: ՈՐԿՈՆԱՅՆՍ. 1. Որևէ բան անելու ներքին ձգտում: 2. Հունահռոմեական ոճի ընթացմարտիկ ... Ջուլֆալայան: 3. Ժողովրդական բժիշկ: 5. Տամբուլ, կողով (գվռ.): 6. Փոքր եղբայր: 7. Աշխարհի և մարդկության արարիչը: 11. Գերմանացի երաժիշտ ... Բոլեն: 12. Ֆրանսիացի տիկին: 13. Ե՛վ թռչուն, ե՛ւ «Չինական ակտիմիդիա» (միրգ): 15. Եպիգոդ, կար: 16. Կյանքը ռիսկի ենթարկած, ... կախված: 18. Հողաբուր: 19. Թաղ...: 20. Հայ Արշակունի թագավոր: 21. Թեոդոսիան հնուն: 24. Գրաֆիկայի ստեղծագործություն, որ առանձնանում է կերպարների ոլորտներում: 25. Վերել (հակ.): 28. Հոգեկան տանջալից ապրում: 29. Խորհրդային ավտոմեքենա: 30. Հայաստանի Տաշիր քաղաքի նախկին անվանումը: 31. Գրավոր ուղերձ: 34. Հռոմեացի քաղաքագետ և փիլիսոփա: 37. Քաղաք Սեւ ծովի ափին (Ուկրաինա): 38. Աղցան: 39. Հայ բանաստեղծ, Ֆրանսիայի ազգային հերոս ... Մալուշյան: 40. Յոդ: 42. Իտալացի կինոռեժիսոր և կինոդերասան Վիտորիո դե ...: 43. Մարդու գլխի կմախքը:

Կազմեց ԷԼԼԱ ԱՌԱՐԵԿՅԱՆԸ

Գլխավոր խմբագիր՝ ՎԱՆ ԲԱՅԲՈՒՐԹՅԱՆ
Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ
Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ
Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԾՈԼՈՅՈ 0105, Ճ.ՅՄՐԵՅՈՅՈՆ ԺՅԵՃ 5,
Մեր հասցեն՝ Թբիլիսի 0105 Գ.Աթոնելի փ. 5
ԹՅՊ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆԻՅՈ»
ՄԾՈԼՈՅՈ, ՆԱՅՅԵՄՅԵՄՈ
«ՅՐԱՏԱՆ»
Тбилиси, Грузия
«VRASTAN»
Georgia, Tbilisi
Индекс 66445